

Lei 16 de su mesi de argiolas de su 1974, n.306

Istitutzioni de sa provìntzia de Aristanis

(G.U. n.205 de su 05-08-1974)

Testu in vigori de: 20-08-1974

Sa Càmera de is deputaus e su Senau de sa Repùblica

ant aprovau

SU PRESIDENTI DE SA REPÙBLICA

PROMULGAT

custa lei:

Art. 1

Est istituida sa provìntzia de Aristanis cun cabu de logu Aristanis e ndi faint parti is comunus de: Abbasanta, Aidumajore, Ollasta, Abas, Àllai, Arborea, Ardaule, Assou, Asuni, Bobadri, Boàtiri, Baressa, Bauladu, Bironio, Bonàrcado, Boroneddu, Busache, Crabas, Cùglieri, Fordongianus, Gonnano, Ilartzi, Gonnacodina, Gonnostramatza, Marrùbiu, Masuddas, Milis, Mogoredda, Mòguru, Mragaxori, Narabuia, Neoneli, Norghiddo, Nughedu Santa 'Itria, Nurachi, Nureci, Ollasta, Aristanis, Prammas, Pau, Paulle, Pompu, Arriora, Arruinas, Samugheo, Arcidanu, Santa Justa, Sant'Antoni, Santu Lussurzu, Santeru, Iscanu, Sèdilo, Sèneghe, Senis, Sennariolo, Siamajore, Siamanna, Siapicia, Simaba, Simaghis, Sini, Siris, Sabarussa, Sorradile, Tadasune, Terraba, Tramatzza, Tresnuraghes, Ula, Uras, Useddus, Biddanoa Truschedu, Biddobrana, Bàini, Tzeddiani, Zrofolliu.

Art. 2

In ocasioni de is eletzionis amministrativas generalis de su 1975 s'at a atendi a s'eletzioni de su consillu provintzialis de Aristanis. Finas a cussa data abarrant in càrriga is consillus provintzialis de Casteddu e Nùgoro de immui .

Art. 3

Is Ministerus de cumpetèntzia, ascurtada sa regioni sarda, ant a bogai provedimentus chi serbint a poni in pràtica custu lei, carculendi finas sa revisioni de is circuscritzionis

amministrativas de immui po ddas poni in acòrdiu cun s'ordinamentu territoriali de sa provintzia noba.

Is amministratzionis provintzialis interessadas ant a cuncordai is progetus po si partziri su personali, su patrimoniu de s'unu e de s'àteru e su pranu nou de is atividadis e passividadis. Acontessendi de non si poni de acòrdiu si ndi at a incurai cun decretus insoru is Ministrus de cumpetèntzia intèndia sa regioni sarda.

Art. 4

Is gastus po is localis e po su funtzionamentu de is ufitzius e de is òrganus provintzialis de su Stadu arruint asuba de is capitulus chi giai nci funt in su bilànciu de su Stadu po is gastus de is ufitzius cosa sua e òrganus provintzialis.

Art. 5

Su Ministru po su Tesoru est autorizau a portai, cun decretus suos, totu is mudaduras chi serbint me in is bilàncius de is Ministerus interessaus a apricai custa lei.

Custa lei, munida de siddu de su Stadu, s'at a poni in sa ragorta ufitziali de is leis e decretus de sa Repùblica. Est fatu a òbrigu a totus de dda poni in menti e de dda fai respetai comentis a lei de su Stadu.

Roma, su 16 de su mesi de argiolas de su 1974

LEONE

RUMOR – TAVIANI – COLOMBO

Castiau, su Guardasigillus: ZAGARI